





武進馬馬卿選

武進馬馬卿選

清詩二集分編

三集嗣出

武進馬馬卿選

毘陵馬子馬卿操選政進退天下之詩足跡所至藝
林奉為玉律去年至吾郢中陽春白雪沆芷澧蘭亦
既歸之月旦余當臥病五柳四壁茅屋且為風捲欲
逐諸君子之快覩不獲也時訪醫于江城老友陳一
公綠雨園而馬卿倏以束刺見投乃始相見于黃鶴
來青鴨頭放綠嶠崒巫峽瀟湘洞庭流風蒸雷瀟澗
渠漫兩岸嶸豎闕竦磐薄鼉豚吹於磯窟詭然而蛟
龍翔舞之間是天下之奇人必觀之於天下之奇觀
而馬卿胸中之奇氣亦非收盡天下之奇觀不吐也
有如恪者既賤且老少之所學掩卷皆如隔世曾子

武進馬馬卿選

清詩二集分編

三集嗣出

毘陵馬子馬卿操選政進退天下之詩足跡所至藝
林奉爲玉律去年至吾郢中陽春白雪沆芷澧蘭亦
旣歸之月旦余當臥病五柳四壁茅屋且爲風捲欲
逐諸君子之快覩不獲也時訪醫于江城老友陳一
公綠雨園而馬卿倏以束刺見投乃始相見于黃鶴
來青鴨頭放綠岨崿巫峽瀟湘洞庭流風蒸雷瀟澗
渠灩兩岸嶸豎闕竦磐薄鼉豚吹於磯窟詭然而蛟
龍翔舞之間是天下之奇人必覩之於天下之奇觀
而馬卿胸中之奇氣亦非收盡天下之奇觀不吐也
有如恪者旣賤且老少之所學掩卷皆如隔世曾子

所謂士有三費者可不為浩歎乎則又敢于壇坫旗
鼓中妄論如何為漢魏如何為六朝三唐以繩尺品
騭乎自此以後之作者而馬卿顧以大集屬序豈謂
蜀桐扣魚晉鐸諧律耶而和五侯之鯖觀連城之璧
抑又不敢以覆孟刈葵跳梁乎井幹之上入休乎缺
甃之涯自外乎大方謹唯唯承教而質之于海內之
知言者荆南八十有二歲老友胡在恪謨

清詩二集分編卷

武進馬

道畊

馬卿

選

南海梁佩蘭藥亭

定

遼陽陳治策燮公

校

嘉定張大受日容

宜興戴元慧九思

尤

侗 長洲字同人二字展成號悔菴又號艮
丞官太史所著有西堂集崔栖堂等集

五言古選一首

洗墨池

和宋漫堂中丞
六境圖之一

使君倅黃州弔古第一境再來東坡身重寫東坡景
雪堂六花飛嘯軒孤竹挺旣陟岐亭橋復踞臨臯頂
獨有洗墨池未入詩文引 坡集年譜俱
無洗墨池 一水久銷沉

平蕪斷萍梗泥揚其波泓然照形影真視手可濯
名堪右軍並與客歌于斯風搖大江冷何必賦赤壁
反被曹瞞哂

坡公赤壁賦乃赤
嶼非曹公戰處也

五言律選一首

禦冬

禦冬無別策假寐且逡巡
潑茗青花乳裝綿白氎巾
呼童雞閣閣拒客犬狺狺
獨坐仍無賴起攜竹丈人

七言律選二首

讀崑山相公遺稿有感之一

君家兄弟不可當京師爭說碧山堂
開門便揖三千

客鬪酒猶贏八百場

集中有碧山堂
鬪酒三十種詩

飛上天邊多子

弟送歸地下少文章祇餘一老還
思舊獨弔秋墳泣
數行

阮亭司寇假歸寄訊賦此奉荅

江東耆舊吾何敢山左風流君獨名
駟馬高車暫休沐水邊林下且閒行
有時西墅攤書坐何日漁洋載酒迎
奇絕筆峯華不注雪樓壓倒濟南生

七言絕句選四首

賣琴

我有唐琴四十年一朝賣向使君船
從今不入幽人

夢常攪箏琶伴小憐

有小伶來投戲示

何來子弟出梨園欲向西堂伴老閒大地排場行不得題名合喚鷓鴣班

偶至滄浪亭之一

久欲看花去稍遲殘紅零落綠盈枝猶有一分春意
在小橋流水夕陽時

題許宦澗自怡草

鏡湖南渡是斜塘柏樹蘆花記故鄉借問山人何處
去杖藜昨已到銅坑

胡在恪

江陵字念蒿科甲歷任觀察所著有詩文全集

七言古選一首

衍聖公坐中聽河內客彈琴行

太行山底仙靈窟沁水長綆鋸地軸天壇峯頂兩曜
開王屋一滴下濟瀆滎波南溢衛淇北壯士鞍蹕慘
氣色剗胎覆巢麟鳳去臨河欲濟濟不得平嵩閣上
望嶽樓憑弔別墅使人愁愁來譜入諸琴操逸響千
載空悠悠誰爲收向高軒彈正當盛夏拂幽蘭蘭琴
清人心高軒似岑陰古調傳已微知音世亦稀非公
伯仲誰與歸

七言律選一首

寄懷孝感程晴田布衣併邑中諸公盧荇浦王

宜菴兩廣文

老如遊子只他鄉過眼山川多易忘却恐題詩空似
碧也嫌逃酒便為黃風雲變態今非昨節候驚心熱
忽涼郭外無田常喫飲讓君身世一顛狂

七言絕句選一首

次錢方蓼

紙尾浮鷺原有限焦頭殘蠹更無餘一時聽得湘靈
賦却勝袁崧讀異書

葉

封黃州原籍嘉興字井叔號慕廬甲科仕虞
部所著有十子詩畧樊棲草堂詩文集

樂府選二首

除婦服效孫楚詩八章之二

白頭何吟綠綺何琴我無成聲爾無嗣音維其憂矣
允傷我心

我心如水不已于流亦如循環莫知其周如茨有棘
曷其可抽

五言古選四首

自大鐵梁峽上抵中峰

太室鬱崔巍絕頂稱中峯自下拾級上逶迤披蒙茸

度峽路轉高漸覺山情濃萬石旅若林其狀難形容
斷者如砥柱連者如崇墉怒者如鬪虎矯者如游龍
或如獅子坐或如馬鬣封壯如猛將立杳如羣僕從
麗如霞散綺蒼如雪覆松爛斑繡翡翠綽約開芙蓉
應接頗不暇輾轉相遭逢循名固莫識足音空爾登
昔人記靈迹太室二十四峯名見吳天師靈迹記胡不銘芳蹤顧令千
載游于此疑心胷嵩高夫如何勝境茲重重再躋乃
至頂祇爲衆岫宗霄漢倘可接回飈興何慵

莫愁邨

石城臨漢水水西莫愁邨古曲未懸邈傳辭疎討論

不見少年歌微聞渡水喧蛾眉久寂寞煙草空黃昏

大洞

大洞樊山下樊水滙東注葭葦風蕭蕭白沙擁枯樹
邨廬久成墟漁舂猶占步日落行人稀孤舟橫野渡

小洞

小洞大江隈釣臺峙其端平沙坼高岸叢石鳴驚湍
古之學釣者於此或垂竿清風颯然來渺渺煙波寒

七言古選一首

窠尊石

卽杯尊石宋縣令朱堯刻窠尊二字於石

袁山迤東卽亭下磊砢疑如象與馬驚波帶雨刷崩

沙亂擘芙蓉翠堪把有如截竹剗雲根空中直上名
窠尊北維圻裂頂豁軒八分鐫字今猶存形雖如尊
不可以藏酒東偏之顛有坳復如臼卽非玉女洗頭
盆宛似青田核半剖漫翁所修諒在茲其器天全可
濡首澄江就釀葡萄醅挹注何窮傾百斗春風秋月
頻舉杯莫待懷襄徒喪手夏漲時石
沒水中我思元孟真高
風杯飲欲遣尊罍空惟亭與湖名並同共守淳樸追
鴻濛苟非蟬蛻埃壚中焉能痛飲師遺蹤嗚呼誰其
繼之吾請從

五言律選八首

秋病書懷

幽壑常相見茅齋久在茲
梁泥傾燕壘梧葉碎蟲絲
愁覺秋聲蚤饑嫌穡事遲
苟安非得計戎馬欲何之

秋草

秋草傷鶡鳩霜華歷歷橫
不能隨意綠聊復待春生
悽斷王孫夢迷離故國情
江流怨遲暮誰爲惜芳蘅
九江舟次歲暮因僧赴雲居寄懷晦公

風雨歲云暮江湖思渺然
浮生原逆旅夙願是逃禪
開篋憐書在吟詩感地偏
廬山空對面一望翠微懸
岳武穆王墓

力戰功俄棄蒙冤死不辭復誰還二聖從此罷王師
改步更朝暮孤墳自歲時千秋墓門柏只發向南枝

墓前柏樹
枝常南向

芋源晚泊

輕舸夙言邁弭棹夜光虛細雨重陽後微雲淡月初
沙平歸鳥下寺遠到鐘疎何事懷明發吾行畏簡書

送春

花飛渾欲盡春去豈能留芳草王孫怨垂楊少婦愁
淒清寒食雨惆悵水蘭舟空望江南好回頭是昔遊

送王雪洲還里時有悼亾之戚

爾昔曾簪筆於今有佩刀嬾仍工翰墨坐得擁旌旄
白日如流駛滄江一卧高且宜丘壑裏休羨鬱輪袍

呈開公

雨後立秋獨由寒谿循路聽泉至西山寺卽事
愁霖及稍霽獨往聽流泉蓮漏寒谿外松風古閣邊
有山須磊砢無水不潺湲得石披襟坐澄懷一灑然

七言律選八首

過龔漢循憩鉏園作

棲遲同是水雲鄉別業幽偏在一方寂寂柴門臨釣
浦深深花檻護書牀撫弦山響塵情斷燒燭宵殘酒

與長取次論詩高下在誰甘千載杜陵狂

同王涓來侍讀過訪西山寺主遂登山頂薄暮

乃歸

雙林高坐翠微間有約經過白日閒古寺相尋同出世浮名欲盡是深山煮鑄密竹通泉細說法孤峯點石頑極目江邨如畫裏澹雲疎樹伴人還

病次宋牧仲別駕以東齋夜集詩見示依韻酬寄

羣賢清曠迴風流病客無緣坐上頭賦就競傳梁苑雪書來正值茂陵秋擅塲晦節原高唱圖書名山只卧游為想東齋餘後樂倚歌高枕欲銷愁

天仙宮白松在密縣城東五里相傳為黃帝墓

三女處一本三枝今向北一枝已萎

誰託霜根老歲寒藥珠仙種骨珊珊長薶玉樹含香在幻化璫枝對影看朔漠月明魂尚返羅浮雪冷夢應闌却疑帝子緣何憾似洗鉛華半欲殘

愚山至得王涓來侍讀寓書奉答

雖主名山似謫居顧瞻清禁引華裾陳情已遂無遺恨載筆相傳有賜書人立雲端高獨鶴客來秋晚寄雙魚風塵却媿非仙骨枉問丹砂歎久虛來書稱嵩有出山銘服餌可以長生覓之不得

保定道中九日

十年三徑草全荒九日長途菊乍黃
京洛交游才把別故園兄弟久相望
送鴻皆決愁同遠騎馬筋疲老
自傷欲指滄江定何處白雲紅樹滿斜陽

巴東向有夏前在延平與余爲同官左調補廣

東鹽市司提舉亂後還楚僑居鍾祥過訪

有作

回首同舟似客筵酒闌人散各紛然
獨爲先去三千里長遣相望十七年
退食對棋春荏苒隔簾呼飲月
嬋娟此情可念難重得倍憶荆門在眼前

松風閣

西山寺裏松風閣傳自涪翁得此名下見
澗江臨睥睨近來翠壁倚檐楹十年種樹成
陰滿五夜焚香獨坐清每到上方無一事
惟聞空籟瀉泉聲

五言排律選一首

擬應制 駕幸湯泉

臨寓環禪海溫谿直上京福泉稱最熱積氣本初生
坐合乘佳候歡方進壽觥九新停鳳輦一豫扈蜺旌
毋俟桃花下偏來荷蓋迎駕龍青荔拍繫馬綠蒲縈
星斗槎邊汎風潭鏡裏行焦源騰瘴沸火井躍炎精
地伏流黃遠煙蒸太白橫雲霞通內景日月濯中營

賜谷疑分燠天池並擅名激湍飛竹箭暖溷熟香秔
 潤物曾無滯盈科故不爭帝漿寒莫及神療疾全平
 駐老丹心瑩蠲疴水德并靈功逾藥石芳浴帶蘭莖
 結露三危異先暄五色呈含離徵濟美觀逝暢幽情
 鴈齒迷秦砌魚鱗冷漢甍至仁能蕩滌寧用羨華清
 五言絕句選四首

偶成

茅齋橫野壑樹影落疎林坐見蘼蕪裏年年秋色深
 還家後寄酬王貽上侍讀追和送別元韻二首
 門望垂千載伊人第一流誰能小天下九點指齊州

大雅說詩宗韓蘇與韋柳餘甘回味長知者宜同口

石門山 唐縣令馬珣嘗與元結同游有石刻尚存

高賢遊賞地雙峙石門山飲酒題詩後何人數往還
 七言絕句選五首

洛水懷古

託怨靈妃賦感甄多情玉枕暗傷神莫嫌泣豆相煎
 急蚤與君王作路人

黃粱夢

渡海求僊去不回睡心無法總堪哀千秋一覺邯鄲
 夢消得空華幾瓣開

清言二集卷七
題田子綸漪亭讀書圖

退閒行坐狎鷗亭蕩漾煙波入杳冥欲比稽山湖一
曲幾時乞與少微星

次韻王貽上侍讀以詩從梅耦長求畫

夢入江鄉憶昔遊憑將淡筆寫高秋數株老樹疎篁
裏宜著幽人靜倚樓

綠楊橋

一谿明月可憐宵清露霑衣退酒潮侵曉夢回題柱
後至今人喚綠楊橋

王士禛

新城字貽上號阮亭官入
司寇所著有漁洋山人集

五言古選一首

高常侍祠

為岳鎮九賦
古蹟之一

忠公拓落人好談王霸略一辭孟諸野微官此棲託
把臂李杜遊慷慨吹臺作懷古薦溪毛風期緬猶昨
七言古選一首

傅青主徵君寫荷竹見寄奉畚兼懷戴楓仲

眼中突見篔簹谷露壓烟啼萬竿竹下有亭亭菡萏
花大似凌波勸膏沐烟墨淋漓元氣足老筆從橫破
邊幅臥遊真對兩詩翁晉祠水流如碧玉

五言律選三首

嚴人弘寫碧山吟社圖題詩留別用韻送之

碧山吟社好幾日返雲林晏起翠微曉開門黃葉深
君歸自丘壑予興在登臨賴畫滄州趣朝朝憫陸沉
白鷹

白鷹生塞北秋向代川飛氣飽風霜勁眼空狐兔稀
商飈動原野朔雪亂毛衣耻較韓盧疾雲霄萬里歸
賦得滄浪亭送尤悔菴檢討

平生愛蘇子高唱滄浪吟蘇子去已久滄浪清至今
戲魚明鏡闊喬木古亭深送爾濯纓曲知余濠濮心

梁

雍真定字元肅真定相公孫
仕少叅所著有散朗齋詩

五言古選一首

孟秋夜月

蟋蟀鳴西堂夜靜涼飈發攬衣起徘徊開牕見明月
流光入牀帷照我蕭蕭髮感嘆時序遷壯志易銷歇
我欲遊蓬瀛金丹換凡骨

五言律選一首

桐軒漫興

軒廠來明月心閒地自幽聊同三徑隱不作五湖遊
花放疎籬晚蟬鳴碧樹秋夜深人不寐長嘯倚層樓

清詩二集卷一
七言律選一首

春暮

東風駘蕩最銷魂，朝旭遲遲靜掩門。
簾外參差新燕影，階前歷亂落花痕。
綠陰細雨攤詩卷，芳草斜陽對酒樽。
屈指韶光今已暮，尋芳日日到西村。

七言絕句選八首

寄懷王子千太守二首

兩載行踪隔暮雲，西風搔首悵離羣。
遙知卧閣應多暇，剪燭吟詩坐夜分。

嶺南太守足風流，鳥語花香散客愁。
每憶故人登眺

處幾回飛夢到羅浮

送象曼先生旋里

津亭卮酒悵驪歌，匹馬蕭然曉渡河。
回首薊門烟樹隔，青山斷處暮雲多。

觀劇口占

開元舊事堪惆悵，誰譜樽前絕妙詞。
簾外夜深秋月白，倚燈子野聽歌時。

秋日同義存逸菴方齋山言石苑次升觀牡丹

亭劇二首

歌喉宛轉說秦青，旖旎纏綿不忍聽。
記得義仍詩句

好春腸遙斷牡丹亭未用臨川集句
湘簾月滿夜迢迢綽約霓裳舞翠翹小立畫屏人似
玉座中若箇不魂銷

暮秋偶成

醉把離騷倚柱吟夕陽煙鎖碧桐陰晚來庭院清如
水一片秋聲在暮砧

徐河橋晚步

小橋流水抱孤村遙望雲山斷客魂此際畫樓應佇
立闌干倚徧憶王孫

夏熙臣

孝感字無易號慕巖所著有慕巖詩文全集

樂府選三首

子夜歌

歡令人喜亦令人疑歡心不可知

歡來今又去無計畱歡在處處柳如絲更有畱歡處

雜詩之一

我有清歎欲伸輒止危坐終日以俟君子不我肯來
思心徘徊

五言古選一首

山遊

清言石卷
突兀此高層山靈發奇想側聽岩下人人語相俯仰
涼風發浩歌孤月同幽賞披壑踏虛空捫蘿躡蒼莽
鐘聲天外來藥苗雨後長絕世杳塵踪白雲共來往
七言古選一首

大風晴川樓觀渡

楊柳堤邊春水綠寒食東風聲蕭蕭陽侯一怒逞雄
威波濤勢共層峰矗岸邊舟子挾巨艦手挽長檣曳
滿篷招招岸上人來渡能與石尤各爭雄截流鼓柁
橫江上目眩心搖難想像黑雲奔險日無光白鷺高
飛數千丈登閣憑欄不忍看魂飛股慄心爲寒一葉

凌空去如舞山崩岸折夕陽殘雙槳齊聲掠水面側
身轉背如輕燕忽然浪急落風湍浪比船高船不見
兩岸驚呼已覆舟哀聲拍地使人愁須臾浪過船躍
出恍如飛峽行山頭前浪初消後浪起出沒漂搖無
定理篙師行險固其常危機莫測須知止一壺中流
悔是遲當局由來不自知旁觀滿眼風波惡澄江如
練復何時

五言律選六首

高處厚信宿山中賦此却寄

收拾看雲眼尋幽到敝廬以君一日長贈我十年書

清言一卷
二
天外孤雲合雨中夜氣疎村醪剛半熟不醉復何如
園課

秋風生菜甲暮雨課園丁荒徑開三畝長鋤帶一經
煙光無限紫草氣有餘青拄杖看西爽幽懷賦采苓
東張石虹之一

客路連芳草梅花凍北窻晚山寒帶雪春色暗浮江
費呂成知已融修早受降登臨同一笑青眼各雙雙
以夜卽風景寄親知

雪飛不到地草色竟冬青屋破皮能補溪回筏未寧
竹多供貊料花巧作鷺形結伴秋成後長鑿入杳冥

荆南雜咏

百戰艱難地登臨意倍雄山川猶歷歷禾黍自芄芄
江淨長天碧城孤落照紅秋聲原有種不愧大王風
籜官後諸君子見慰賦謝之一

到眼秋將老天邊紅葉飛草荒松菊徑露冷薜蘿衣
彈劍鳴恩怨讀書悟是非北山今有約猿鶴莫相違
七言律選四首

送外舅程司空青溪先生之金陵

江聲蕭瑟荇田田霜葉吹開書畫船到處臥遊勞筆
墨生平供養足雲煙去來疑是三山侶婚嫁還遲五

清詩卷之三
嶽緣一遂漁歌楓樹晚石頭城畔月如弦

吳孟舉黃葉邨莊之一

謝家亭子米家船圖畫依稀似輞川張翰只從南國
老陶潛常向北窓眠著書綠字分秋葉酌酒青山送
晚煙最喜幽人多勝槩平泉草木總堪傳

哭程文載

時以博學宏詞
候試卒于燕邨

積雨思君倍可憐憑欄無語對花前憂時自爾嬰危
疾名士何人享大年易水風寒聲化鶴湘江月冷夜
啼鵑平生有憾難窮盡欲續離騷再問天

新柳

岸碧山青水滿池東風裁出葉如絲小蠻舞就雙垂
手京兆粧成十樣眉細雨乍經人去後淡煙初上夜
溪時芳洲處處春無限九十韶光只自知

五言絕句選三首

古意

湖水清如鏡風荷珠露圓鴛鴦睡正熟莫放採蓮船
立春

春來常不覺臘盡苦難畱隔歲偏先到催人易白頭

畫蝶

栩栩隨風意畱連欲斷魂惜花心尚淺無力報春恩

七言絕句選三首

山行

搔首長天嘯一聲山中猿鶴不勝情
醉時不記歸來路只向白雲深處行

銅雀臺

無復春深鎖二喬冷侵狐兔影蕭蕭
人生誰作千年計唯有奸雄更寂寥

飲王淡叟園亭

何必奔源始問津雲煙無處不留賓
今朝看竹翻前案却是王猷作主人

李必恒

高郵字百藥一字北岳所著有三十六湖草堂詩集

樂府選一首

大愷鏡歌鼓吹曲十二章之一

序不載

禽敵山峙西域上有古碑高舉嶽不知其歲年但爲
草木蒙翳風雨剝蝕獨有永清字不泐 聖人來古
碑出兆熙朝曆萬億先後聖其揆一從臣雖多才燕
然不更勒

右永清碑十七句

上親征沙漠至西域山掘得古碑有永清沙漠語

五言古選一首

文姬歸漢圖

中郎遭卓魯文姬仗操取異哉此父子兩落漢賊手
悲憤定何益請死亦孔醜捲圖不欲觀豈必定誰某
五言律選一首

火米

見后山叢談
俗曰炒米

豈異羣兒嗜盤堆焦穀芽乾餓吾不憾火米浪爭誇
簡便刪七箸鏗鏘秦齒牙談深飢可療拾葑每煎茶
七言絕句選一首

吳門徐昭法先生畫芝

四皓當年彊是非商山芝媿首山薇祇應乞與徐夫
子閉戶丹青爲療飢

胡江

孝感字山公號厥鍊前諫垣
任副使所著有爐餘詩文集

五言律選三首

斷橋夜泊

鑄鏡處

危橋臨岍絕壑柳襯巖居相望水心鏡還遲下澤車
帘疑村是杏牧喜夢爲魚晚醉顛波盡帷燈且報書

直指菴

數載禪棲地重來訪園青松常帶雨白飯偶遣樽
我懶仍中散君通似了元何當霜髮禿天寶話猶存

真州中秋同蔣容菴其實張紫芝步月江干

禿髻窺清鏡聊同物外遊光搖羣動合氣湧大江流

清言二集卷一
觸處瞻明滅無心任去留
兼葭微有露不必問南樓
七言律選九首

瓜渚重九分韻之一

錦颿臺殿鎖朝霜
秋老蕪城明月牀
晴市頓飛三里霧
火山先乞一車香
天憐岫壑存松菊
曾有煙雲誤稻梁
却憶石樓高
晚節無錢買得雪堆莊

夜坐

曙櫺尤自枕高春
無盡幽懷岫色供
夢到三山飛雪鷺
餐餘五粒種雲松
泉經有注疑鴻漸
客話方殘得敬容
九點煙青看未了一枝斜
映綠盤龍

西園栽竹舊屬官僚見訪

欵乃聲中鷗鷺群
薛逢羸馬對郎君
長槎漲引新醅醪
短策旌搖舊護軍
松欲摩天寒日月
石能踢地怒風雲
只宜挿遍琅玕紫
來補東園未喪文

晚入直指菴時吉元之計圃客同舟值雨

冉冉波光蕩夕曛
鷗菴鳧閣隔潮聞
薜衣晚帶千山雨
蘭若晴堆一塢雲
家是菑源應逐客人
如鮑照尚參軍
悔教物色烏紗帽
棹入秦淮已半醺

菴僧武陵人

戲示求貴要書者

強題鼇釣月爲鉤
短李無緣未可投
譜卉應先花御

史品茶倒署酪蒼頭不知飛白書中虎能狎衣緋殿
上猴蕭瑟子山頻有句一囊煙雪傲黔婁

與吳園次

力挽章臺繁弱弓仰天射日落雕蟲蝦須幕捲黃河
雨揪玉杵敲紫陌風襪絹有材訓與可羅浮無酒問
師雄何須鉢擊驚人句倩汝蠻牋送五窮

社日

扁舟楚客故人稀出處空憐昨事非廿四風前花使
誤十三行外墨豬肥煙迷舊雨囚鸞鵲氣暖晴沙動
草衣日醉名蒿綠戀苦眼光閒送釣船歸苦蒿酒名

看湖邊牡丹芍藥

若耶菱棹寄狂奴濯影滄浪逼画图一院落花皆雪
絮五更殘月獨雲艫不因迷屨依鷗舅聊放醜顏醉
鼠姑偏是翟門風雨到麴塵直戀酒家胡

飲顧見山水部高會堂

澤令堂前綠錦池尊開蓮幕夕陽遲官爲水部偏宜
酒眼底蘆花到處詩靜氣能令秋月滿塵情恰對此
君移它年載筆螭頭太却憶西園聽雨時

七言排律選一首

海寧北樓落成

鰲極天開峙海隅聿興百廢職分符矧當不靖攬槍
近應問巖關鎖鑰無短堞雲環添秀色璇題碧映壯
雄圖聲中白馬朝昏辨檻外霞城水陸俱山勢層迴
連北郭人家飲濯半西湖樓臺靡地高風在敢爲鳩
工賦卒瘁

七言絕句選一首

卜居京口與圃客

丁卯橋頭零水灣大招不賦戴公還十圍綠樹晴川
夢愛兩樓前萬歲山

程大戴

孝感字禮傳號會亭
所著有景勿齋集

樂府選一首

湘君

素絲纚下機縫作雙羅襦意中欲有贈乃在湘之姝
淚漬琅玕濕清怨滿蒼梧蒼梧望來遠翠華何時返
酌彼金壘奏彼瑤笙且以喜樂且以歌賡悠悠世上
人孰無幽恨情

五言古選一首

讀史

東晉第一人安石自千古寃問淮淝師處分在何許

投鞭百萬軍付此圍棋墅天命固式憑其中大有主
時事不可爲張皇徒亂汝靜勝在平時吾歸復誰與
七言古選一首

瀑布行

古城山下倒瀑布老僧指我登山路策杖攀藤試一
探石磴勾衣無好步樵歌牧唱總不聞似有人馬千
軍赴魑魅爭光霹靂喧七首格鬪蛟龍怒峻嶺空嵌
百尺鐵青天突下三里霧何人健筆寫飛白漏痕釵
股蛇掛樹貫日長虹飲絕澗縱轡生騅過險渡吹沙
碎粉馬噴沫潑墨迸珠鬅沸濩對此心魂不可畱迫

視移時目爲瞽榛莽叢岡山勢惡虎嘯猿啼日欲暮
不險不奇神不怡履險探奇心亦怖回首東阡正挿
秧載筐載筥人無數

五言律選六首

世上

世上人如許先生何許人看書憑眼鏡漉酒用頭巾
頗耐窮愁境能將老大身翛然天際鶴迥矣出風塵

麋鹿竹

自得幽棲意還成斑駁文鳳凰何日下麋鹿且爲羣
籜老經冬雪枝寒向晚雲欲尋靈壽去此地恰逢君

江行之一

赤壁傳名勝千秋仰大蘇人文難繼起血戰已模糊
嘹唳東西雀遊翔上下鳧憑陵堪墮淚天地久榛蕪

馬伏波墓

伏波人已往颯爽氣猶存浪泊無堅壘皇天有覆盆
原荒碑自古邊遠日尤昏爲覓將軍第蕭蕭大樹村

謁武侯墓

人說先生死封阡在定軍天如還益算功豈但三分
寂歷空山鳥陰森古柏雲渡河展一拜情竭斷碑文

螢火

光不能終吻聊爲露下明隨風平野散逐世一身輕
照水殊矜賞依花也性情何須天地大浩蕩兩三楹

七言律選六首

浯溪石壁

百尺峭巖如削鐵三湘靈怪此浯溪映天倒影鰲身
黑挾雨排風鳥夜啼一自前人收物色漫勞諸子費
鐫題吾亭獨立神縹緲可有元公手重携

移蘭置盆中

山阿蔓草競芳蘭擷得幽芬可佩餐何以報君青玉
案應知愛我切雲冠藏深自不妨巖壑賞鑒人須具

清詩二集卷一
肺肝更喜短檠依素壁夜來猶作畫圖看

孤山放鶴亭

放鶴亭前鶴已無老梅今有兩三株人難再世何曾
往山得先生竟不孤湘澤萍踪畱北郭桐鄉楸影重
西湖清明桃柳渾如錦悵望青天一嘯呼

謁關陵

英雄何必骨終埋馬革還屍意亦乖運去炎劉無復
理天將夫子費安排徒營庸蜀疑非計但借荊州自
不諧下馬荒庭空悵望寒花寂寂鳥喞喞

長安懷古

繁華只數帝京城風物淒涼百感生樵牧牛牟曾御
宿旌旗燐火是昆明芙蓉不覺秋風老花萼寧禁夜
雨傾濁酒一杯聊引興鐘樓斜月轉疎更

佟寧庵招飲

揮手梁園記黯然儼來一徑入壺天蕉陰綠掃霑窗
雨石嶽寒侵落紙煙涼愛竹風敲檻外醉分秋色到
尊前絺衣挂月情俱暢簪珥何妨墮綺筵

五言排律選一首

蓮蓬人分韻

竟奪芙蓉舍何曾費琢雕粧成聊具體貌耶亦清標

態度誰相假鬚眉未敢驕香殘形固蛻粉墜骨應消
皂帽仍加額玄纁也在腰忘機難抱甕命飲不勝蕉
蓮社矜朋侶逢蒙黻裔苗輸將西子臂讓却六郎嬌
無褐常寬博披衣免闕佻侏儒何腹飽主簿豈年齧
乍看全鬣畫遙瞻歲弄潮婆娑難學步偃僂不同寮
鵠唳空聞幻鷺籠不可邀斯人吾有用命爾滌陳陶
五言絕句選三首

鳳鳴岡

麟既未爲祥鳳亦是凡鳥傳聞石上痕宛然畱指爪
采蓮曲

艇子入湖曲風細波紋平荷下雙鴛鴦花搖睡不驚

艇子曲

桂楫浪前輕江波解笑迎東風齊着力江水有深情
七言絕句選五首

舟行登岍步村落間

江臯乘興踏沙平曲徑踈籬帶晚清劉阮不知人世
隔竟隨雞犬入柴荆

秦淮燈船

江船盡數入城來載妓徵歌次第開總是江南春色
好夜深都是醉中回

絕句

花開陌上自摩編一卷沉銷草木年不是老同袁伯業先生四壁總蕭然

弔華陀墓

馬鬣然柯映夕陽我來下拜亦神傷先生不自畱人世信有人間續命湯

隨柳舫看分菊

瀟洒煙霞物外身呼僮把罽布來勻遙期他日高枝下燦燦黃花白氎巾

顧嗣立

長洲字俠君所著有秀野草堂集金焦集噉荔集大小雅堂集

樂府選一首

艾如張

雉朝飛鳴谷谷兔爰爰入林麓雲巢地穴布且采風毛雨血漫天愁手彎烏號側踞鞍腰裏鼓鬣風生寒白麟赤雁草根落網絲露結秋烟薄

五言古選二首

小九曲夜坐

驚風從北來刁刁震林木悠然微雨過石竇滴寒玉虛閣生妙香可以慰幽獨枕簟涼如秋身抱白雲宿

停雲館

吳城雜詠之一

落日散清暉莫靄橫天永微雲閣樹梢虛館人聲靜
蘸墨寫黃庭花香研池冷搔首懷遠人蒼茫隔重嶺

五言律選二首

孤山林處士墓

花柳晴沙路遙憐處士廬湖寬留月滿嶺疊出雲紆
囊有梅花句家無封禪書何當一鶴下爪破碧天虛

遊秦園

用杜少陵陪鄭廣文遊何將軍山林韻十首之一

秋日園林好微波浸石橋泉聲分遠澗嵐氣映層霄
竹裏花相映雲邊鶴未招入門幽興愜于此暫逍遙

七言律選一首

鑑湖

鑑湖三百映澄鮮吸盡羣峰落野田賀監宅邊波豔
豔柳姑廟外草芊芊魚穿菰葉吞山影雀啁楊花撲
水天安得越溪如雪女新妝齊唱採蓮紅

五言絕句選一首

竹筧

松靄山房次朱竹垞先生韻之一

屈曲引山泉從橫入竹管尋響到僧廚缸面水初滿

六言絕句選一首

泛舟西湖看月之一

同竹垞先生馮文子吳寶賢周層崑

清言二集卷二
白傳詩看草綠米家畫想烟橫失却南屏山脚白雲
堆裏鐘聲

七言絕句選三首

題宋山言學詩圖

禹尚基寫
石谷補景

竹屋芭蕉覆綠苔兩生妙筆絕塵埃無端結个蕭疎
地大小蘇還入畫來

自題噉荔圖之一

君謨譜上聞名久白傳圖中覓本栽攢劒山光沸鼎
水此行只爲荔支來

李世蔚

枝江字方山號長倩所
著有蓉鏡堂詩文集

七言古選一首

長歌贈劉用謙

我聞上古之時天欲破烏兔搖搖向空墮媧皇煉石
一補之仰觀碧落蒼蒼大又聞上古之時地軸折橫
流泛濫魚龍嚇伯禹一施疏鑿功六鰲遂立坤維極
由來天地不免病兩大醫王功何峻至今天地萬年
不病復不朽兩醫之名亦與天地相輝映用謙劉君
今國手問難羅胸青囊繫肘波瀾舌卷譚天口三世
秘傳折肱書不與庸醫同闕紐望色聞聲別生死譚

笑活人只一七為君活者多名流官府爭迎縉紳倒
屣侵晨常滿戶外履小兒亦識韓伯休鄉里人呼長
桑子我善病君善藥廿載交君殊不惡蒼天或者不
死李青蓮特令扁倉與我肝膽相傾託譬如竹逢王
子猷樹遇郭橐駝陰晴雨露勤撫摩叶必不使彼苑
枯失所傷零落君今行年已及艾讀書愈多識愈大
鑪裏丹隨火候成鼎邊雞學仙人拜採藥搜入名山
窟靈圭仍向街頭賣賣薑翁李八百古來俱是神仙
伯天若使君住世更百歲直教大地蒼生人人壽考
無瘥疫嗟乎不為良相即為醫書生濟人能幾時

五言律選十五首

小集劉公從寫露居

同蔣玉淵宗伊在
吳圖南洪綬青

菰米炊雲滑松鱸佐饌遲茶香風引幔竹浪雨翻籬
白髮尊遺老清樽促故知共多詩癖在傾倒細論時

冬邨漫興

清時無用客畊釣寄閒身野性聊隨俗詩名懶傍人
年荒常少稅村遠似無隣抱膝橫今古蕭然此水濱
春日閒居八首

春來當病愈斗室許婆娑潑墨塗鴉亂紬書校豕訛
人閒姑說鬼門靜欲張羅莫謂全無事谿邊聽水過

虛室能生白山籬遠帶青揆奇繙綠字鍊氣寫黃庭
止酒猶栽秫齋心戒守瓶隣翁餽魚鼈稚子又添腥
已製登山屐還裁漉酒巾畊催布穀烏詩敗索租人
茶有經宜注居惟硯可隣隴頭逢稼叟物候每相詢
裋褐稱貧士踈慵實楚儉妻慚王孺仲婢少鄭康成
作賦聊題恨編書號輟耕鄉人皮相悞徃徃負狂名
愁深縈短鬢吟苦斷微髭雅愛東西晉交崇大小兒
懶過隣舍飲喜乞賈人詩硯每臨溪洗烟雲黑滿池
報讐無任俠玩世有狂癡過太溪三恨悲來發五噫
莫愁窮不送生怕俗難醫解指東坡腹蘇家好侍兒

睡起聞山雨高歌擊唾壺交遊羞絳灌酒食慎屠沽
著意狎紅友何心守白姑楊雄嘲不解還有草玄無
看柳過山寺聽鶯坐小橋頻年畱筆塚終日有詩瓢
轉覺名根在翻疑髀肉消近知謙德好貧賤未曾驕
楊宣樓先生走兩僕遠貽新刻澹園詩

何處長鬚使谿邊喚葦門贈詩憐久別問姓訪孤邨
嶺外冰霜氣詩集刻于粵中書中郊島魂子雲寂寞老幸有
草玄存

吾廬烟外是流水抱門斜望處纔三里村中自一家
肯留十日住看盡暮春花許我歸帆到谿邊煮蕨芽

次女生日

織素名憐左收書許類班亦能當玉樹竟可識金環
他日耽文墨髻齡習靜嫻只愁婚嫁迫不放乃翁閒
玉沙道中

湖鄉雪後路霜曉見人行土厚全宜麥邨聲半搗秔
記程人指樹買酒店知名隔隴炊烟起田家午爨成
用謙顧我湖上拈韻奉酬

曾記湖頭別方將半載餘新成環堵室著得幾行書
董奉名何愧休文病未除相依煨芋火歲事了寒廬
七言律選十七首

落花四首

鵲聲催去苦匆匆半在青畦野徑中粉蝶眠來茵是
錦春鶯啄去嘴留紅臨波有意還依水奔月無丹巧
藉風明歲相逢知不遠暫將樽酒慰飄蓬

斷送茶鐺與酒鐺思量無計締花盟愁看雨打風吹
處都是埋香葬玉情碧海幾年還故劍黃金何日鑄
傾城朝來別我珊珊去慚愧無由聽佩聲

一日三回到樹邊多情恨不枕花眠粘苔繡草真堪
画斷粉殘香更可憐榮落也知關物性飄零何用感
蒼天茅亭酒後醺醺坐一笑東皇是偶然

漢殿秦樓別路遙香魂惟有杜鵑招草荒宮井沉吳
艷雨暗章臺瘦楚腰但有瓣中皆可卧最無風處也
防飄未須愁負看春眼新綠如今漸滿條

閒居雜咏九首

睡起湖濱白晝長頭顱覽鏡笑潘郎自憐棄擲當明
世可惜年華老故鄉獻賦未成遊帝里爲漁終是隱
瀟湘葛衣余近號髹几吟詩坐料理山妻撿藥囊

未寒先護菊花籬坐逐林陰榻屢移寒暑雨風都不
出雲山花鳥盡克詩鮮憐嫩鯽騰罾後滑愛新秔脫
甌時莫道潮沮終浪隱世無尼父許誰嗤

籬繞踈槐水繞廬西風庭苑有鳴蟬迸抽竹笋侵青
靄種就芭蕉長綠天香散菰蒲遮釣艇雨催秔稻熟
湖田種桐曾有先生約不覺因循十二年昔菜茹菴
不果令予種桐

壯歲居然老態看無端多病遂衰殘青蛾座上追懽
少紅紙燈前作字難豈是浮雲輕富貴應緣骨相坐
清寒人言我命如甘蔗莫是從前要倒餐

晚爨烟生舍角東晴光偏畏夕陽紅湖邊洗硯蓮花
水月下披襟竹影風真愁太日無多日誰料閒中是
病中側耳秋聲驚候早豆花棚底起吟虫

清言二集卷
窓間展卷讀黃庭長對鷗汀與鶴汀湖上天連平野
大樓頭山入玉泉青素書有客貽紈扇問字無人叩
草亭却笑戴顓名未了無端求應少微星

莫憎富貴獨來遲弄月吟風得自宜種就愁根綠識
字生成癖性在吟詩庸人未必無奇福大造終難勝
小兒從此辦香何處屬漆園柱下是吾師

綵尋野市粗綵買服做農家野服裁赤脚婢舂新米
太黃頭奴刈早秔回人來楊柳陰中坐門對荷花湖
裏開水淺魚蝦撈未盡漁翁歸去鷺絲來

坐驅天地入菰蘆閑殺關河古霸圖不道寄身甘井
白可憐相對只妻孥空將画虎描人世竟把雕蟲悞
壯夫二十年來衰颯景閉門無用講陰符

閒中

客不頻來盡日間課畊纔了課殘編碧連湖浦皆荷
葉青繞柴門盡水田鳥來樹底爭雞食狸傍花陰逐
犬眠谿叟相逢三兩輩較量晴雨立桑邊

咏杏花次黃譽來韻

花時留賞坐經旬柳外樓頭樹樹新當路亂紅牽太
馬出墻春色艷遊人柔姿曠日搖虛幌香氣隨風過
比隣聞說上林多此種幾時同醉曲江春

再咏杏花

盡日樓邊幾樹垂，風前月下影離披。
種當深院憑誰賞，開尚微寒少蝶知。
惜汝怕聞經夜雨，撩人空費早春詩。
折來好助晨粧媚，可奈香闈少雪兒。

桃花又次譽來

香霧霏霏映竹叢，高枝作火亂燒空。
卽看笑雨烘晴處，如在朱圍繡幕中。
仙客漫誇千載種，女兒解恨五更風。
明朝怕見紛紛墜，誰壑餘香拾瘦紅。

伯虎枝山遇落花輒

製絳囊瘞之

錢名世

武進字亮功所著有古香亭詩集

七言律選一首

送楊鳧令北遊太學和許在衡韻

通眉長爪可憐生，妓席狂歌喚紫雲。
點鬼流傳當日體，覆瓿安置太玄文。
瞭鷹臺畔呼桐酒，詐馬筵前簇錦裙。
麗句巧翻新樂府，中朝名士許誰羣。

七言絕句選五首

題顧俠君小秀埜

門外車音日殷雷，門無客到不輕開。
紅塵若道能侵物，牆角青山底處來。

方牀曲几自蕭疎小啜香茶檢異書便是阿瑛觴詠
地不須頻憶玉山居

題聞卷尾四十首之三

江上青峯縮暮烟曲中餘韻尚悠然一絃輕撥干天
譴雨打湘靈五十絃

鼇背烟雲鶴背程玉清淪謫省前生憑君莫話遊仙
夢十日蓬萊頂上行

詩卷孟郊高格調文章曹植濶波瀾莫將鼇擲鯨吐
意等作裁紅暈碧看

黃金鑑

江陵字以介所著
有枕濤軒艸

五言古選一首

偶感

白雲不高飛就我簷前墮隨風作卷舒英英自婀娜
回思出岫時高飛寧不可

七言古選一首

大隄行

薔薇浥露漾清曉起步林間聽啼鳥鳥聲啼罷春欲
闌滿地落花紅未掃閒來好作大隄行大隄十里遍
香蘅杜蘅香裏東風裊塵埋寶瑟與秦箏憶昔沙津

清言二集卷一
盛繁華參差十萬列人家朱樓繡戶含朝霧香閣文
牕隱暮鴉暮鴉飛飛宿仍起朝霧氛氳閨羅綺已見
歌聲透碧霄旋知黛色盈秋水王孫挾彈出平康娼
家桃李鬱金香共矢同遊交翡翠還將結翼比鴛鴦
鴛鴦翡翠情無已合歡繡帶飄文履炊金餽玉競豪
奢薪桂亭蘭闕侈靡豈知運數相回薄曠息繁華坐
蕭索昔年滄海起塵沙今日頽垣湮画閣淒涼不復
憶王孫芳草萋萋誰與論可憐玉對靈荆棘可憐金
盃閉泉門楚王城闕荒烟裡晝走鼉鼉飛野雉傷心
怕見章華宮老梅苗芽旋復空

五言律選一首

雨中

望望村墟迥沙津晚氣孤人喧爭渡急江濶去帆紆
燕羽衝泥怯鳩聲帶雨呼暮雲橫遠渚相對隔平蕪
七言律選一首

初度日誌感

此生得失竟何如猶是邯鄲學步初千里雲程徒悵
望十年容鬢已蕭疎世情無礙憑呼馬人事多方類
賦狙唯有幽居差免俗數竿碧篠映窓虛

五言絕句選三首

沙津咏古三首

雲橫楚澤湄雨洗章臺道細腰魂猶迷化作氛氳草

靈王宮人愁曠而灰
墓草紅翠曰宮人草

寂寞沉香井荒涼洗馬池芳魂猶罨蝶畱戀上花枝

曾聞步香亭徐吏部
園亭蓼篁間桃隴不見武陵人溪橋

竟誰主

七言絕句選一首

春日

誰道春郊樂事融
若人愁雨復愁風
待他煙暖茶蘼

醉老却鶯花三月中

楊

綸

武進字青邨所著
有吹萬集天外集

七言古選一首

溪上

溪上人家烟似沐柴門正傍清江曲溪樹從遮十畝

陰泉聲直下千尋瀑老翁午臥聽雞鳴稚子暮歸驅

宿鶩悠然野意無人知一縷炊烟燃楚竹前村又有

醉漁來搖碎清江萬寒玉

五言律選一首

黎峨道中和田綸霞司寇壁間韻

悵望因微祿非緣山水奇嶺雲昏似夢瘴雨細如絲

石阻哈麻水楓青羅鬼祠搖鞭指前路一任馬行遲
七言律選一首

過嘉魚赤壁下

赤壁居然起壯圖石頭渡口草蘼蕪智如魏武猶難
料語及周郎尚可呼地下有靈應識我當年無亮不
成吳書生亦解興亡事說與樵人併釣徒

七言絕句選一首

江行

春山綠透萬株松碧水澄虛動遠空忽訝前行迷去
路青峯迴抱一溪通

胡奉衡

五開衡字平玉號畏齋

五言古選一首

此山長老餽新茶

自我來齊安穀雨已過四新笋未一嘗新茶未一試
方味與時果偶啖成珍異清供豈云乏官冷莫余致
城南有老僧九十顏如穉自奉謝華侈交人鮮市利
經年一再晤灑灑脫塵累或傳高足來新茗爲余餽
云師頗念余持此屬致意西山有法子靜室頗幽邃
年年摘早茶先從方丈寄吾師不獨嘗同人分一二
旋呼活火烹擇水先滌器飲之肺腑清暢爽祛煩滯

因憶故園中藝此頗蔥翠每于立夏前採製忘勞勤
碧色與清芬朝夕投余嗜今非拜嘉貺此味何由至
感歎師弟間釋氏存高誼賦詩不足醅聊以誌慚愧
七言古選一首

送易平埜致仕歸里

古人去官如去塵世情不足櫻天真豈是違時重沽
譽要令晚節堅松筠吁嗟後賢異於古微祿難拋戀
圭組畢生惟與世周旋遂令高風棄如土此日先生
殊不然司鐸齊安十許年秋水澄澄月皎皎坦懷樂
育人稱賢淺陋如余慚後至半載以來叨共事老生

閱歷豈迂談肝膽照人無異致朱顏鶴髮未云衰勇
退連陳老病詞吾黨留之未可得相期共賦贈行詩
久矣淵明不可作宦情擬似秋雲薄先生高蹈媿前
人五斗沾沾奚足縛一棹輕舟返里門當年故舊半
凋存芝蘭玉樹聯翩起聽舉岡陵百歲尊

五言律選七首

齊安送王宓草還金陵十首之二

兩人交自淡翻覺淡難忘凡與余相愜皆非世所臧
披荆尋老衲步月陟高岡遺卻西隣去誰堪對舉觴
去汝添岑寂思親可若何驚心遊子夢分手渭城歌

清言二集卷二
二
妙墨親文采新詩共薜蘿異時相念苦風雨一長哦
題友人臨江書屋三首

亦是人寰內居然遠俗譁階留三逕草盆畜四時花
籠鳥吟朝旭缸魚弄晚霞午牕幽睡足汲水自烹茶
不作京華夢從教占鏡湖波紋搖几席帆影亂菰蒲
春綠開屏幃秋紅列畫圖誰驚漁棹醒深夜客呼盧
溟濛江霧重此屋等秋毫潑墨千峰失飛泉萬壑高
吟詩濡綵筆看雨佐醇醪夜半魚龍起風聲怒捲濤

東林道中

未是匡廬面山容亦快哉樹藏丘壑秀嵐捲畫圖開

人似桃源住溪從古寺回欲尋三笑處踪跡已塵埃

建昌道中

離城剛喚渡十里走長隄沃壤嘉禾熟平疇灌水齊
村庄依宿霧鷄犬隔清溪我欲尋漁父林深路轉迷
七言律選十一首

齊安送劉鼎玉自都門旋里二首

八載懷人語未休片帆衝雨過黃州移家楚尾愁官
冷結客長安羨壯遊野店落霞春蕢酒空江明月夜
維舟送君試欲登高望煙鎖江城赤壁樓

故國分携各壯年如今霜雪積華顛按詩嘆爾歌長

缺沽酒憐余缺俸錢歸去親朋非昔日夢隨江渚隔
遙天舊遊曾共支公約何日同叅玉版禪

秋夜烹茶

秋夜拋書手自烹一瓢新月寫茶鐺泉翻乍聽松濤
起火活旋看雪乳生木葉有聲隨墜露竹爐忘倦數
殘更酪奴翹氏誰優劣要待高人細品評

學舍隙地構小齋落成四首

寓形天地總蘧廬旅客營巢計已疎一室遂多難了
債半床聊貯讀殘書牆東缺柳臨春種舍北分花待
雨鉏暇日恐勞佳客顧甕頭嘗最細君儲

擇木鷓鴣豈在多一枝藏拙便名窩標名藏拙窩室無長

物堪凝息與有餘閒足嘯歌徑不厭深新種竹門無

嫌寂笑張羅浮生隨處皆安土短髮頽齡任耗磨

不必山林地自偏偶將芥子納平泉煙雲過眼難臍

價風月盈尊不費錢素壁喜人貽句至高車讓我挾

書眠當年落拓蘇公蹟想像遺風澹宦緣

菜畦仍接短垣東客舍家園景况同院占數弓堪展

足牕虛三面欲延風儵魚一任遊濠上蕉鹿何曾入

夢中踏雪偶然留幻影主人心已逐冥鴻

壬午暮秋讌集滕王閣分韻四首

章門秋色遠涵空樓閣臨江氣象雄南去遙遮龍井
樹北來猶憶馬當風焉能遺蹟傳今古賴有奇文簇
化工雅會正逢時景合西山暮靄映簾櫳
御觴分韻客懷宜賓主東南重一時五老峰巒全隱
約雙龍氣色正迷離繁華尙足追時代興廢曾經幾
換移粉壁淋漓題石滿吟來無復昔人詩

爽氣憑欄積翠微龍沙風雨較前非層樓勢壓龜鼉
背畫粉香銷蛺蝶衣絕愛落霞添晚景遙看孤鷺送
斜暉曠觀正足怡心目明月催人伴醉歸
滕王善畫蝶
澄潭潦淨接長天舊序江山尙宛然鴈陣參差迷遠

渚客帆來逞帶秋煙當時歌舞空陳迹此日壺觴憶
昔賢獨愧鄭虔絲鬢短不堪重述子安年

七言絕句選七首

上元大程夫子祠四首 祠在覺宮旁

宦轍都緣道學芳千秋榱桷此宮牆半山亦寓金陵
老不許祠前丐瓣香

百世遺風激懦頑鬱蔥佳氣接鍾山堦前莫剪青青
草好與當年意一般

政教無殊仰止同先生遺澤自難窮後人展拜瞻庭
宇勝坐春風一月中

六代禪燈溷魯鄒一泓伊洛見源頭大江此日千支派盡是先生道脈流

題郎趙客梅根學釣圖二首

命世文章濟世才梅根不讓富春臺相君之貌非漁隱渭水當年學釣來

幾曲名山深復深老梅孤峭伴沉吟花開倒映寒潭水照見先生冰雪心

睡美人圖

螺黛經旬亦倦描無端春恨未全消踈慵似學三眠柳不逐東風鬪舞腰

清詩二集分編卷

武進馬道耕 禹躬 選

武進周清原蓉湖 滄州張濬宗亮

黃岡王材升蓍博 漢陽王戩孟穀 按

張三異 漢陽字禹木甲科歷仕郡守所著有癡龍剩稿

七言古選二首

春江

君不見比山松柏長青幹南山桃李何零亂楊柳含金欲滲黃蔚蔚葱葱盈兩岸隄邊剩雪留餘寒遲日連朝冰始泮漁人傍柳坐青煙左手持竿右撒縵我

來江嶼聽江聲江水清清可濯纓臨流浩歎江湍疾
手指春江春色明晝夜如斯逝者急不爲愁多洗胃
臆長年懷此蕙苾憂終日對江空惻惻

易生學書堂

未能大袖盛蒼生托業還將筆作耕學得落紙雲煙
走何愁濡墨不縱橫且須盤薄苦經營會看骨秀與
神清君不見梁鴻毛弘諸故老千古同稱楷字好又
不見史籀程邈大小篆高超肇式擅名蚤我今解綬
卧林圃剪茅獨結藏書塢多君年少擅臨池觸處盡
合大娘舞有時供奉躋大廷落筆揚揚看如堵

五言律選十六首

秋夜偶成

秋盡寒砧急溪光上客衣人煙和露冷野色襯霜輝
竹遠敲風細林深逗月微漁翁貪共語忘却掩柴扉

登烏石山

振衣千仞上縱目海天空山簇如森戟潮奔似落虹
風吹香墜澗雲到影流桐此地稱名勝居然圖畫中
九日同范繩斯王約菴泛舟

漫擬龍山會翻成泖浦遊樹高烟帶暮日淡水含秋
沙岸畱鴻跡蒲帆逐澗流溪光収不盡共載一方舟

感懷

廿載多艱苦今朝剩此間有書堪下酒無力喜登山
遣興呼同調逃禪學閉關鄉心消不盡看鴈又南還
獨坐有感

曲塢栽松菊逃名剩有貧長年支傲骨此日得閒身
遣興攤書卷驅愁問酒鄰故人今寂寞對月憶春申
酒氣常霏雨愁人分外涼囊餘三峽水鬢帶九秋霜
麥隴天邊秀桑田夢裏荒鄉書何日達回首問滄浪

南屏晚鐘

晚泊危亭下清音入耳來不從松借韻恰與鶴分哀

響落湖心冷聲高天日開襟懷多未豁深省致悠哉
陸咸一學使燈前菊影

籬落何須綴香魂妙百端不從霜競賞偏與燄傳看
有態迎風裊如圖繪壁殘銀缸斜照處搖曳上闌干
秋日坐澄心亭和朱澹子侍御韻

亭閒心自迴性定境生幽嵐氣盈瑤席詩章滿畫樓
清波憑月浴蒼樹帶煙浮獨坐懷知己梧桐瑟瑟秋
夜泊危家渡

白露凝帆冷鐘聲出寺南月華穿曲徑山翠落深潭
舟泊雲同卧燈殘酒半酣縱多愁緒在不敢負幽探

清言二集卷三
劉九來醫隱

恬淡雖非藥，窮愁實可醫。
醉臨牕下草，閒理夢中詩。
身懶逢時拙，山幽適性宜。
曠懷千古遠，自得許誰師。
秋日舟行和汪涵萬韻

晚泊高邨

西風蕩輕楫，颯颯落楓聲。
遠寺浮雲亂，飛巖瀑布傾。
回頭送岸轉，欹坐看山行。
處處含秋色，峰峰盡有情。
高邨夜泊靜，漁火亂星槎。
野碓春流水，江湖引落霞。
山寒入坐冷，月影過舟斜。
旅思渾無際，停杯聽暮笳。
來青園獨坐

憶舊如消渴，尋秋上釣灘。
蘆花映白水，楓葉傲霜丹。
詩以愁中老，腸於醉後寬。
瓜壺聊自慰，不問甕頭乾。
寫懷寄任東頑

十年勞夢寐，盡日欲銷魂。
適意刪詩草，澆愁問酒樽。
千山戛戰鼓，半世愧君恩。
南望懷知己，長空沒曉曦。
來青小築落成酬曹五一

築室幽篁裏，千竿可作屏。
蕉花當澗綠，桐影墮階青。
懷友看梁月，因時歎曉星。
同人相辨難，宛在問奇亭。
七言律選十首

旅人

清言二集卷四
九月淒清霜滿天旅人長夜獨無眠家春日貫林三
合夜靜生翻詩百篇囊內無錢休問酒坐中有客喜
譚禪倦來更賴同心者時抱殘尊上釣船

有懷范繩斯王約菴

半載雲間共酒尊書囊搖落剩閒存多愁我已嫌逢
世偷嬾君當學閉門雨過止須鋤藪圃投竿恰好卧
漁墩年來故國鄉音少霜雪飄零老淚痕

夜坐贈衢陽主人

風定烏眠漏析催沿牆蟋蟀夜聲哀農家蔬飯勤相
餉客子綿衣薄未裁山外雲奇生夕照林間月淡帶

煙來客中何物消顛顛耐爾前牕一樹梅

春日登潯陽烟水亭

夕照斜飛錦浪鮮蘭橈淡蕩小樓船楊花隔岸迷芳
草鏡水平湖漾曉天風送鶯歌穿畫閣雲聯蝶粉散
香筵遙看匡頂千尋樹倒影參差插浦前

湖上

西湖景色真如畫不設丹青自燦然水繞山邊山繞
寺桃生柳畔柳生煙醉登孤嶼聞招鶴笑倚空亭嬾
上船蘭槳漫搖魚影亂波光蕩漾湛珠圓

初夏登湖心亭

行掠晴光澹宕過危亭夾岸景婆娑嫩荷風墜香沉
水斜日樓橫影倒波棹引遊魚吹翠沫船隨荇帶挽
青莎停杯坐待邀新月怕聽歸舟唱晚歌

寫懷

曾問香山結社來者英取次醴筵開甘爲李杜專門
友耻說機雲同郡才閉戶獨言羞蟋蟀攤書看雨長
莓苔蒼梧極目知何處日夜縈懷幾百回

時璜兒佐郡梧州

登晴川閣滇南捷音

陟閣遙瞻紫炁浮百蠻煙靜肅如秋珠冠作貢通滇
海銅鼓休兵放馬牛江上波濤龍變化日南風俗鳥

輶駟凭欄指點滄洲意又聽鏡歌出殿頭

別陳義臣

虞卿終日悲窮苦李白長歌行路難弘濟自慙才技
短時宜不合肚皮寬鷗羣沐浴情方適萍梗東西夢
未安何日扶筇尋舊約更携江畔釣漁竿

秋日訪劉九來舟過西湖

潮光瀲灩傍烟浮一望蕭疎滿目秋三峽建瓴澆玉
壘九江匹練鎖金牛白雲無定誰爲主丹井多方我
欲求最是月明畱不住慙慙寄與大刀頭

五言絕句選一首

雜感

華箋白似雪，紙筆心先結。滴淚和硃研，傾燧眼內血。
七言絕句選二首

柳枝

樓閣重重煙雨迷，淡黃嫩綠自參差。多情偏向東風舞，不與人間綰別離。

九十春光春欲回，長條十里曉煙開。東風分付休零亂，畱與啼鶯去復來。

王氏丹

寶應字方若所著有龍竿集畢蘇集

七言律選二首

疑菴新闢小齋書，來索詩之一

岫裏孤雲原不出，天邊倦翼未知還。何時白石清泉地，著我書籤茗椀間。當砌雨澆花幕，歷掠簷風送馬綿。蠻淮南本是神仙宅，飛夢時時到小山。

西爽亭冬杪漫興之一

亭在黃州署中城上

觚稜亭子冠山城，日日登臨倦眼明。天影南垂千嶂合，浪花東捲一江橫。留連平楚斜陽在，寂歷虛欄朔吹生。怪底白頭搔更短，思鄉懷古劇關情。

七言絕句選四首

南唐宮詞十二首之四

鴛鴦寺主惜華年貯得春光錦洞天一簇風香迎鬢

采麝囊花底四條絃

後主自稱鴛鴦寺主

羃壁紅羅嵌綠鈿交襟密意酷相憐夜深酒醒羣花

裏猶自香縈把子蓮

把子蓮宮中焚香器

織裳原自愛嬌饒逗漏紅肌稱袂腰近日斬新天水

碧齊收秋露染輕綃

烟輕雪瑩一踟躕舊譜花牋記得無髣髴夜寒邀醉

舞可憐金屑付流珠

周后亡曲譜不傳宮人流珠能記

程正萃

孝感字除只號邁園所著有邁園詩文全集

樂府選一首

惱儂曲

紫驪馬是郎去年騎不知郎心變向儂門前嘶

五言古選一首

小孤阻風不果登

舟發彭澤渚目斷小孤巔白鳥巢半壁羣飛如朝燿

樓閣疑無地亭檻若倚天想當天宇清明月終夜懸

或者絕頂間徃徃駐飛仙亦愁風雨夕蛟龍相糾纏

我欲向老僧問其否與然風浪不敢觸失之覲面前

揮手謝茲去弃捐亦可憐

七言古選一首

寓陵川東嶽觀有老松二株烏巢其上連旬風
惡棲止無所夜半飛鳴客牕悲感

陵川山外日色低陵川山上烏夜啼春來日日風作
惡長松搖曳不可棲啼聲更雜蕭蕭雨驚醒幽人夢
無數海濶天空隨意飛飛向上林依全樹

五言律選四首

贈錢飲光

海內風流盡斯人正可憐不從鈎黨死又自亂離還

酒德澆殘卷詩窮荒薄田幼安欣尚健阜帽已多年

飲光昔與阮圓海爲
敵亡命且自閩廣歸

江行

寒江偏可愛潦淨水成紋擁月翻魚窟涵天漾雁羣
舟移憐岸草帆起亂山雲暝坐都無慮悠然到夕曛

雨

風定浮雲合江空細雨鳴於人添恨苦何物待生成
荒岸孤村寂寒蘆旅雁驚鄰舟今夜客應共故鄉情

洞庭

快我風帆趣流觀楚澤長大名還屈賈勝地只瀟湘

山鬼偷吹雨江籬暗度香
行來誰復識千載一相望
七言律選五首

青溪兄以少司空歸里邀同過夏鐵雲先生夜
話因勸兄雨山卜築

森陰竹柏夜光微對奕踈簾酒陣飛
月駐溪林池水見鐙張小圃草蟲圍
共憐兄弟中原老自咲清狂昨日非
無急青山不用買結鄰此際好同歸

嚴爲章水部欲以鄙人應薦舉之
詔寄謝

皂帽羊裘吾道窮蓋將啟事辱山公
書徵何輒還畱杲文似相如漫薦雄
焦尾自應灰爨下短檠况復弃

墻東時清賴有夔龍在笑我虛聲隱欲充

北征道上

人家簇簇傍溪隅只此寒煙映日孤
風景河山仍不異桑麻雞犬總云無
百年沙聚畱城壘一夜霜嚴捲荻蘆
濁酒陶然忘倦苦狂懷耳熱自嗚嗚

秋曉聞角

城中赤日猶殘暑城上秋風嚴築連鳩
鵲低沈河漢影雁鴻乍度海門煙
紫髯碧眼吹何好白髮青衫聽可憐
此夜長安萬戶月幾人孤夢足清圓

除夜奉懷王阮亭少詹王黃湄掌科粵東出使

岱宗岑蔚渭流清萬里同傳節使聲寶劍有神先後
合錦帆無念往來輕文垂斗極星光爛詔到波臣海
氣晴坐對寒宵驚歲晚遙憐芳草計歸程

阮亭祭海
黃淵典試

五言排律選一首

陳十五總戎招同龔芝麓趙洞門兩都憲黃仲
宣比部趙友沂中翰暨青溪兄觀吳客演新

撰傳奇

華燭起青雲霞光四壁分時清閒故老大業仗諸君
瓜出青門種歌翻白紵文蕉觴慚下戶拇戰尚能軍
冰雪春何極風波世所云孟公投轄重曙色已紛紛

五言絕句選一首

長安雨

絲絲動地寒處處沒驢耳聾使客愁生亦幸紅塵死
七言絕句選五首

茶隴送友

風雨殘春亦報春野花開到十分新過橋有戒為君
破看得初晴山色真

銅雀臺

銅雀高飛啼夜烏也同漢闕長萊蕪不知臺畔春來
雨還有諸姬淚點無

黃梁夢

殘雪孤村門半扃淒涼如我歎飄零明知是夢都難捨人說先生尚未醒

為胡遜齋明府索鱸

苦雪嚴霜下寓廬一鱸孤影夜窓虛庭前柏子堪焚蕪乞與閒人讀道書

題給諫王黃湄烏絲紅袖圖

太平喜得諫書稀日日臨池墨瀋飛只恐漏殘紅燭冷空餘半臂忍寒歸

胡學望

五開衛字小牙號磻磻所著有求志軒集

七言古選二首附一首

題一愚衲子卷後

卷為豫章姜公之璉書

南宗道人字一愚焦膚黝目貌類癯辭家度臘未四十棲禪無迹逃空虛古人愚貌不愚竅貌愚晦俗竅入妙但教指月無復昏莫羨拈花得微笑忽向宰官來索詞書以晚唐懷素詩意若譽師善小楷譽人卻在人共知字僧懷素字入評詩僧皎然詩格清兩公長處不在此竟似兩公虛得名我願上人得希有大千卷舒任關紐廬峰擲筆安足奇萬丈懸巖一揮手

和爾咨姪鏡髮行

紅顏到鏡多綢繆白髮到鏡多煩憂非緣白髮有愛
憎祇爲紅顏生去留我亦紅顏在疇昔流光跳丸同
一擲是時相對鶴髮翁有似途人過郵驛人今爲我
留顏紅鬢上霏霏霜霧蒙共道無情是明鏡轉教儂
意怨青銅滿頭益見銀絲鞞却笑少年來笑我逢花
便賞酒便歌總使頭童亦閒可寒暄一自憑晴陰未
足將悲置老心青雲疇志有成敗白髮照人無古今

選附爾咨原倡

爾咨名奉詢

鏡中白髮余已老心中白髮疑太早心中白髮不自

甘鏡中髮白何鬢髮心不甘兮心已憊鏡鬢髮兮摘
還發摘還發兮可奈何蒼蒼盡變霜莖多瞑心掩鏡
我不語旁人憐我卻悲楚問君憐我亦何爲我欲憐
君君意沮金風應候井梧黃人生有髮豈無霜男子
須教及壯盛莫遣愁容鏡裏長昨宵野砌殊清韻小
屏輕榻杯中問髀肉寬然志未成酒甕如人那解憤
五言律選二首

遊飛峰

鷄犬叫雲間松杉擁翠巒從前多曲折已上絕躋攀
仰面餘青藹平眸挹衆山虛空無盡義雙錫倚人寰

遊月巖得壇字

磴道親幽壑松杉引法壇鳥聲方格磔步履已蹒跚
響滴疑成雨遊人自覺寒煙光雲水意收付畫中看

七言律選四首

和徐文長落花韻

不辭嬌艷抱枝稀願托輕風上翠衣繞樹已教蛛網
晉隔簾猶逐燕兒飛碧苔滿砌愁方結芳草連天喚
不歸安分都忘風共雨傷心最處是斜暉

冬日楊家園菴中

林皋十月堆黃沙去俗不遠通簷牙數株古樹橫谷

口一帶流水圍僧家碧天雲滿不聞鴈鳥柏葉紅仍
噪鴉平分禪慢睡未熟幾點夜雨開幽花

庚申春遣悶二首

時避亂山村

濕雲萬斛疊愁新山寺孤炊亦戀貧蕉葉覆隍偏駭
夢榆錢布地甚宜人霧深莫候來期客楓老堪爲隔
歲隣枉把孟陬煩太史野梅落盡不成春

春風早已人絃歌清角何應噍殺多萋楚有知生下
隰杖藜無伴到山阿冷雲封樹孤村暝薄酒沾唇老
貌醜強對妻孥述胸臆遠岑枯莽鴈經過

七言絕句選三首

和春歸韻

子規聲疾燕聲遲正是深閨倦繡時
眼裏青梅容易長卻畱新恨在殘枝

吳門竹枝

三月閭門休上樓看春裙屐解添愁
葳蕤橫鎖深深許却有他家到虎丘

湘江竹枝

敗柳千枝隔斷橋北風吹馬鳴鑿鑿
妾生南國無潮信人語浙江朝暮潮

金蔚齋曰余讀小翁詩喜其有晉魏氣迥出時手之上令嗣平玉亦復闕通博雅可想見家學淵源

嚴正矩

孝感字方公號絮菴官司農所著有涉園集

四言古選一首

來薰閣

有閣亭亭在湖之泔淥映澄潭碧浮天宇有風自南
清我煩暑我思如何緬懷三古

五言古選一首

舟宿謝村懷龔員外古恭

天清白露下深夜見高秋荒村燈火暗澹月易爲幽
惻惻蟲音亂蕭蕭風意颼一舟秋水泊栖息如蜉蝣
未夕不成寐起坐書長愁書成簡故人何以紓吾憂

七言古選一首

錢塘懷古

南渡興王壯帝京吳山簇馬聽笳鳴六橋風月憑誰
主萬古湖山空復情往事最懷子胥憤秋風八月怒
潮聲

五言律選五首

自枯州下河直達甌江

扁舟溪水上煙景亦悠然澗底堪留月山巔時墜泉
小風卽得力下水不勞牽坐穩興微發無心自扣舷
曉過澱湖

野水濶無際蒼茫望欲迷嵐峯交霧合煙樹繞雲低
過雁時迴渚閒鷗近傍溪蘆花垂露白芳草共萋萋

涉園

林居不厭僻築地此中偏水濶含秋色峯青映遠天
古臺高見月喬木澹生煙夕鳥歸飛外漁人駕短船

寄贈胡韜隱中丞

並馬長安日稔聞君論兵褰帷多意畧攬轡已澄清
過井哀王祭浮湘弔賈生老夫欣覆露解佩事躬耕
虔州送程風樵歸楚

磊落天難問騷心豈世知憤來頻倚劍愁絕但吟詩

清詩二集卷二
二
共有蘭汀約徒深棘路悲觴分刻燭夜惆悵望河湄
七言律選二首

望玉旣峯

天然刻畫果殊絕妙手人工削不成一派衆峯都翠
霽無如此岫獨森清碧通天柱星辰迤光映江濤日
月明我抱煙霞應有癖岩堯一望不勝情

關六鈐許過永嘉不至遺我詩章賦此答之

辭去西湖載扣舷將家移住羅浮巔楓江有月來孤
照桂海無波送遠煙雲外時畱靈運屐雪中不見子
猷船新詩惠我仍留滯悵望空吟白露篇

五言排律選一首

與廷可上人

迂士名廷可晚年乃學禪非因羅劫火焉得沃清泉
誓倚多羅樹心勤堯率天衲衣衝雨雪筇杖挂雲烟
支遁言千紙遠公詩幾篇摩顛出秀骨掬水洗塵緣
十地誰超最三身宜証圓以問林夫子冥心將欲然
五言絕句選一首

浴鷺池

碧水淨且漣白鷺墜如雪雙飛浴清池池中起復滅
六言絕句選一首

泉上獨酌

山色遙連水色松聲細和泉聲把樽獨酌無語忽聽
前林鳥鳴

七言絕句選二首

涉江遊孤嶼

澄江萬里淨朝暉孤嶼亭亭出翠微為采芙蓉拏桂
楫沿流直傍月明歸

署中望綠幃山

疊障蒼蒼聳翠屏終朝拄笏看山青
躄幽到處成巖壑簾幙風清吏隱亭

夏克咸

武昌字子衢號奇峰
所著有三餘偶草

五言律選一首

登西山寺

緩步涉層巔諸峰繞檻前振襟雙眼濶濯足一泉懸
野鳥悲殘碣孤松帶晚烟俯看亭九曲長嘯夕陽天

七言律選二首

贈妙明和尚遷陵嶠寺

五十年來老衲衣四時花雨散禪扉摘蘆南渡江濤
靜閉影空山風月依澗繞寒流松在石雲歸深樹鳥
忘機桃源幽邃應難識誰遣漁郎問是非

奉和大冶相國余先生紅繡毬詩之一

簇簇朱英帶露開
編纏翠袖為誰來
朝酣醉墮臙脂
淚午夢香含錦
繡胎艷冶偏宜
迎曉放妖嬈初
不怨春回薰風漫
許吹搖落妬殺
榴紅點翠苔

五言排律選一首

賦得薰風自南來

綠蔭薰風下當軒
暑乍平帶牽蘿蔓
弱香度芰荷輕
高閣生松籟虛牕
瀉竹聲鳴蟬隨斷
續開卷任縱橫
嬾嬾茶烟細微微
枕簟清塵襟煩可
滌午夢靜無驚
應解年來慍能怡
物外情援琴發孤
韻得意復何營

朱蘊鈔

明楚東安王孫一名
綬字佩蒼號隨安

五言律選二首

梅花和周勿菴韻

芳信漏春江孤根戀草堂
和烟開慘淡帶月看蒼涼
鳥雀驚踈影冰霜護古香
先天存浩氣標格冠花王

贈西澗上人

羨爾真踈嬾江棲絕往還
金蕉當戶牖雲水護禪關
地僻人俱靜神清鶴共閑
拈花時獨笑春色映癯顏

七言律選一首

入越

同吳超麓及長兒源

纔脫征衫又遠行浪遊翻覺此身輕踏歌送別親朋
意沽酒爲歡父子情遠岫斷雲收暮雨平沙一鴈叫
新晴停舟與客增幽興吟倚篷牕待月明

七言絕句選二首

聽吳歌感舊

三十年前買櫂過月明子夜聽吳歌重來不覺霜侵
鬢把酒狂吟喚奈何

西湖雜詠之一

剡水殘山怨綺羅歡娛今古奈情何畫船歸盡漁船
出不聽笙歌聽櫂歌

宮鴻曆

泰州字友鹿所著有怨
堂甲巳游草淮孺集

五言古選一首

送顧俠君歸吳門之一

桃竹三尺弓青莖一囊矢君射南塘鴨我鴨東臯雉
相望雲水間相見長安市沽酒道心曲托身等微技
明日秋風高聯袂一水泚雉翔寥廓中鴨沒寒潭裏
云矣勿復云拂拭衣上滓臨岐有賜言弋獲古人耻

七言律選一首

送王文在尹鄴都

落日春山聞子規排船惟有鶴琴隨江分巴字劉焉

國錦疊蠻牋杜甫詩木佛那堪燒舍利叢神應怕毀
淫祠邑有王方平廟俗云與冥司相通君名舊在靈仙錄且與方平
話見期

七言絕句選二首

次素菴先生韻再送子干之一

豐臺花放號將離此別何年是見期落月空梁吾有
夢是君疎雨滴篷時

步韻商丘公秋日廣陵雜興之一

簾捲春風憶昔年青樓薄倖杜樊川揚州鏡子盤龍
樣欲闔銀濤璧月圓

陳嵩極夔陵字介中號芥舟所著有栗園詩

五言古選一首

堆藍山用徐小星藩司韻

到此絕塵氛心目自開朗臺殿根林巒雲生巾鳥上
窺高一縱觀百里宛在掌萬木鬱菁葱風來成雜響
蒼翠殊霽陰高低極俛仰搔首問青天管人得竒想
五言律選八首

暮春放舟偕劉自怡

非君偕小舫柴柵外安之遊
我疲風雨鶯聲老歲時
洲平疑對遠岫曲訝峰移頗有濠梁興
蒙莊是我師

山居禱興次嚴平子韻之一

架上饒圖史
床頭空酒尊
登臨方着屐
塹汲始開門
掃石收松子
編籬護竹孫
一朝風雨妬
憔悴感林園
咏竹

千載子猷往
幾人識此君
排空聲作雨
卧澗影留雲
高柳青難敵
平蕪綠自分
潤州袁刺史
幽賞獨來勤

宿黃陵

黃陵夜色昏
剝啄呼僧起
破浪來片颿
驚魂若干里
寒雨濕征衣
疎鐘搖定水
亂石塞江頭
何處采江芷

村居

明高季迪太史韵之三

選石到江濱
行吟影自親
生涯隨處拙
家計更添貧
巢鳥怕呼客
池魚不畏人
春來農事迫
除我是閒身
翠微層疊裡
隱隱一幽互
竹正濃陰候
梅當爛放餘
愛斟元亮酒
耻食孟嘗魚
千里懷人遠
猶來訪敝廬
瀑飛千丈雪
橋斷一痕青
薄俗風雷顯
滾山艸木靈
床頭橫劍古
木上掛罾腥
長醉中山酒
畏人嘲獨醒
客漢上寄懷
蔣玉淵王畊雲

拋却來何事
卸杯樂此間
謀閒緡國史
隨意踏湖山
蠟屐尋幽易
鱗箋寄遠艱
江天同浩渺
惆悵鬢毛斑
七言律選一首

獨坐栗園次麋公韵

高坐匡床懶性餘，何人問宇過吾廬。
寒棋近結山中友，旅雁遙傳海外書。
不學塞翁求失馬，常從蒙叟樂游魚。
煎成蠟眼傾三盞，藥積空階自埽除。

七言絕句選二首

次尤悔菴太史六橋泣柳韻章臺古梅

香粉飄零久未施，多情遊女歛雙眉。
揚州官閣遙相憶，不似重來何遜時。
誰返香魂古押衙，遊人閒却寶鈿車。
珠顏玉骨埋芳艸，惆悵東風繞對鴉。

魏嗣多

栢鄉字象曼號午溪仕令

五言古選一首

帝京元日示兒

悠悠四序易復值，帝京春宿霧未盡。
開車馬已駢，麟旭日照南牕。
我始整衣巾，巍巍瞻金闕。搢笏怒
閒身出門何所適，炎冷非等倫。
焚香望親舍，椒觴匪躬親。遙知我兄弟，亦能奉五辛。
提携兒女輩，綵衣娛良辰。園蔬新韭香，畱餘待歸輪。
念此千里客，歲月歎逡巡。中夜萬感集，有懷誰共陳。
回首少年日，意氣頗嶙峋。胡爲自束縛，四體不得伸。
徒嗤阮籍態，慙作牀

下賓竭兮賦歸來洗淨五斗塵紫芝聊可餐幽蘭良
足紉躊躇不自決空惜馬遭迍

七言古選一首

題貞靜先生雙松圖

烈烈忠魂何處歸石門黯淡沉斜暉雙松廿載排風
雨松頂老鶴棲且飛昔年寇亂烽烟起秦關百二無
堅壘先生慷慨具衣冠氣貫長虹歸視死畫圖霜幹
橫參差何似森森丞相祠短歌不作薤露辭千秋黛
色照豐碑

五言律選三首

秋日留別及門諸子

日暮津亭酒蕭蕭落葉鳴鴈行驚別緒馬首接歸程
秋色寒山月春風故國鶯何時重問字淹雅憶諸生
讀何大復先生集

不朽文章事鬼神亦護呵名臣傳史策才子富編摩
北地三峯嶽中原九曲河峙流終不改那得廢吟哦
贈梁香林韓溪春耕

西山蒼翠色二月荷新鋤嘗耨經霜草高吟挂角書
藜羹田父饌喬木野人墟伏守先人訓戾門罷曳裾
七言律選七首

京邸得觀慶元蘭梅有懷次典明府

移來萬里到燕臺托寄平安嶺外梅幽色含香浮翠
檻低枝和雨長青苔遙知潘令栽花縣好倩黃筌寫
錦堆

杜鵑瑞香各種
多繪圖見奇

別後風塵遊客倦相思有夢繞

天台

齋中春莫次韻

東風搖落海棠魂十丈塵中晝掩門蝶夢回時鳩喚
婦燕泥墜罷竹抽根登臨嬾着西山屐歌舞難留北
海尊每憶故園春信息歸鴻幾字過孤村

寄懷袁杜少太史

幾載中林意倍殷畿南千里悵離羣早刊令伯陳情
表晚效歐陽放膽文史筆豈惟書歲月硯田不礙問
耕耘詞臣鼎養非難事冬笋頻生當煮芹

補和楊紀常世兄重陽唱和詩

蕭颯寒煙鴈影斜無端客夢繞天涯賓朋酬唱同梁
苑公子風流近謝家九日遲來尋菊酒十年忻見長
蘭芽西河一望平疇遠禾稼應知祝滿車

和姜西溟太史唐東江銓部鈕玉樵明府豆

癘詩

五穀登場豆苗遲甘同香粒曉烟炊丹方點就瓊膏
塊爐火凝成玉液脂旋轉磨頭農婦饁品嘗羹味解

人知庖丁莫惜金盤具一七紅鹽頓頓宜

梁元肅少叅過楚留別用韻奉答

湖水春帆兩月餘艤舟相聚宦情疎誰憐子厚南天
夢肯達文園北闕書鹿鹿風塵慚我老翩翩羽翰待
君舒平泉舊館松筠茂且看琳瑯戲彩裾

讀王子允世兄詩可集

乍讀新詩喜欲狂含毫幾日滿奚囊風吹繡陌蘭亭
後興寄清宵錦瑟旁嬾向金門通姓字好從栗里問
行藏煙霞寫入丹青裏夢繞春深碧草塘

七言絕句選七首

夏日聽雪扶禪師鼓琴敬次王大宗伯夫子韻

雅調彈成一笠還寄情流水與高山吳門客路三千
里貝葉携來御府頒

秋興四首之二

暮鴉早過薊門秋塞上風雲接地浮一夕冥冥千嶂

雨帝城烟霧鎖重樓

雨

柿葉纔紅曉色寒垂垂幾顆燦朱闌就中解得文園
渴馬乳頻婆帶露看

果

華山人談命

君平且莫說沉浮世上魚鹽好貴遊一卷黃庭三徑

清言二集卷四
菊書生原不愛封侯

題袁杜少怪石供畫冊

烟嵐含翠似雲橫
靈壁移來玉削成
自千年風雨
後米顛賞識至先生

金鰲玉竦

遙望瀛州十里隄
穠陰鬱鬱與雲齊
人間竟有神仙
島不在蓬萊在苑西

題畫

雨滴春山添綠波
溪邊漁父理青蓑
濯纓濯足嫌多
事何似無心款乃歌

程大疏

孝感字臣廣號西冲
所著有仰山堂詩

七言古選一首淳安汪文石山水歌

畫山不見真山水
縱有丘壑不能布
汪生筆墨絕時
蹊得之大塊供毫素
往者西登太白峯
巫山十二劈芙蓉
更從南海窺日月
回向衡霍俯虬龍
造化粉本人未識
世人枉自逞胸臆
漫學米顛及倪迂
苦向荆關資粉墨
只今逸興猶飛動
前年更擬金華洞
今之畫師古初平
洞前應證仙遊夢
清秋爲我掃雙幅
挂出滿堂皆動色
使我忽忽如遠遊
凌風便欲生羽翼
嗚呼安得此身脫
然如爾昔年所登陟
空教對畫生

嘆息

五言律選四首

窮葉澗

我昔雙峰去曾經窮澗過別來九幾載重往意如何
賤子耽丘壑山僧帶薜蘿空禪人境盡溪水自盤渦
休夏康湖

千畝開方面長堤護四圍數聲桑棗落幾點鷺鷥飛
野色侵書幌花香上客衣禪心在何處只此是天機
嚴陵城南樓俞肇州招飲

春水漲江流相邀上酒樓白過帆影漫綠暗樹陰稠

歌管來何處登臨興自悠主人娛客意竟日坐淹留

白鸚鵡呈莊守憲厚存夫子

玉質雖天賦冰姿亦自竒處炎全不染入涅總無緇
說偈聞蓮域歌詩度雪兒隴山真下品翹首羨光儀
七言律選六首

赤壁

巉巖高聳石嶙峋趺坐還將草作茵自去髯翁無好
客向來風月屬何人山中木落聞鴻雁江上秋高起
白蘋二賦只今畱萬古雪堂猶自想遺塵

答張方客

清言二身卷
解得珠璣自漢臯
光霏白雪耀蓬蒿
波瀾直欲凌前
輩聲價還應掩
若曹自有文章誇
繡虎獨憐寒儉
嚼空螯吟餘濁酒
踈狂甚天地遽廬
小二豪

嚴陵送吳雨巖歸

杏花香暖撲春衣
作客何堪送客歸
去路關河吾亦
到賞心尊酒汝偏
違片帆寂寞雙鴻
影獨立蒼茫一
釣磯君去故園雲
樹渺也應日暮倚
荆扉

清明前三日過宋子京山庄

狂懷自笑多高興
客旅淒涼興却宜
但是溪山能着我
不妨蔬筍便啣卮
菜花耀日香欺路
水碓舂雲響

到墀莫向鸚飛
嬾暮雨天涯尊酒
幾同持

送馬馬卿

鷓夷漫作五湖遊
向子名山興未休
只有新詩充篋
衍獨無騎鶴上揚
州愁聽木葉秋空
下悵望藤蘿夜
月畱別後思君何
處是譚經人憶舊
風流

晉黃姪邀賞庭桂

此桂開
候獨遲

花神特地遣花畱
緩却壺觴引興悠
生不同時元惋
惜後來居上覺風
流黃將出院陰能
合香不私人戶
可收根柢坐來依
古砌庭除疑對月
宮秋

五言絕句選二首

嚴陵絕句之二

烏龍小峩山作鎮嚴州土朝看烏龍雲暮聽嚴州雨
莽莽風雨聲生愁江海破人言數年來城上撐船過
七言絕句選二首

江行

山嘴梨花看雪簪江頭桃李又紅酣南行不記春如
許正是來朝三月三
日下西山映落暉水平風靜浪花微倚舷獨坐無人
語閒看江頭野鴨飛

王

崙 江陵字隣蓬所著有
竹圃卮遊上庸等卮

五言古選一首

雪夜

一雪霽窻虛四壁翻素景清涵洞庭波寒超峨帽嶺
歛情歸寂莫萬慮一已屏殘燭耿遙夜斗酒慰孤影
為學翻知誤聰明天所警願言返窮谷溪居絕人境
五言律選五首

九日送果上人還吳

好醉重陽節如君又欲歸雁隨千里太夢傍五更飛
歲月憐人老崎嶇覺路非還須乘月夜莫便掩柴扉

得宋心簡北來書詩

遙憐經歲別復此故人情天外看雲盡春來觸草生
書空愁結字吟苦句聞聲世上崎嶇路爲君更不平

榆錢

阿堵誰家物青青選不窮霜凋愁貫朽地滿喜神通
謂毋全無用呼兄半是空寄言騎鶴客莫漫纏腰中

過武當自在諸宮觀

一往蒼茫入衆峯不可窮危橋遮石檻古栢接行宮
偶與前谿轉因尋別澗通自非名利客辛苦暮烟中

萊吳坦菴移居

郭外幽栖地官闕此亦宜谿聲枕上雨山色畫中詩
竹下聊開徑花間不設籬夜來驚破壁風雨欲飛時

七言律選二首

苦雪

一春連雪爲春愁翻到扁關憶遠遊
更迥窻舍山際月興孤人似客邊秋
看梅幾處難尋徑貫酒從誰可
典裘十畝薄田還歲儉逢人懶與說西疇

新柳

春水盈盈漾碧池池邊嫩柳已成絲
顛狂未省偏饒態濃淡分明不讓眉
贈太那堪君折處舞來初見妾

清言二集卷一
憐時無情有緒牽難斷訴向東風知不知

五言排律選一首

賦夏雲多奇峯次馬常生

纔向北窻起看看雲物攄不根愁墮地絕頂爰摩虛
磅礴空中換離披象外舒人烟歸寂莫鳥路入紆徐
形較尋常異氣從片息嗟散多千嶂足約小一拳餘
力拔何曾太禪封到底疎禹乘難徧外謝屐未登初
變幻爲蒼狗網縵近帝居欲窮隨日轍擬上倩風車
螺髻盤將似鮫綃織不如長迷龐德宇莫辯遠公廬
布處翻疑瀑環來絕勝滁應煩太史華好共景星書

羅士儁

江陵字彥升號石園所著有芝堂集

五言古選一首

荆門浮舟 用太白韻

春水浮天來淼茫太無極凝眸若干頃轉瞬萬山色
山色辨未明風急帆正平抗懷成孤往幽夢語同行
平沙多亂石芳樹有遷鶯忘機何所事鷗鳥自相迎
漁火隨舟去月華傍水生章臺遙在望何異錦官城
五言律選一首

望山

小院重重靜烟雲指顧間悠然思獨往何日得躋攀

縹緲千峯出參差一徑閒恨無摩詰手寫就卧遊山
七言律選一首

郢中感懷

天涯落落任西東種種顛毛攬鏡中婚嫁半生拋壯
志遭逢何日趨長風閒看雁翻凌霜健遙憶秋花綴
圃紅待我江舉覓烟艇披裘正好伴漁翁

五言絕句選一首

文石

潛踪有樵子鎮日倚巖阿莫看仙人奕休教爛斧柯
石支有荷
斧樵子

朱蘊紆

明楚東安王孫一名
紀字南有號爽夫

七言律選二首

月夜登俯江亭

插天峭壁峙江堆俯檻臨流萬象空山靜只聞鐘打
月亭高但覺夜生風燼迷野店驚邨犬霜落芳洲起
塞鴻何處扁舟依岸泊清歌一曲水聲中

寄懷朱可式胡二千

而今誰復贈緋袍阮籍途窮興自豪愧我交遊同逝
水羨君揮霍等鴻毛人從遠道歸何早書向天涯望
轉勞咫尺山陽真萬里相思高枕大江濤

五言絕句選一首

雨中遣懷

興到科頭出開門爽氣生
勿言秋漸老籬菊正含英
七言絕句選二句

借錢蒿麓潘赤城白元式月夜飲蘇堤

長堤薄暮帶斜暉處處煙嵐障翠微
縱酒莫辭今夜醉滿船明月上人衣

苦雨懷程石亭

感君懸榻愛陳遵寄我新詩字字真
中散年來潦倒甚更慚老大尚依人

聶聯甲

巫山字五雲原籍秭歸仕令所著有蛙鳴草盞峯集

五言律選二首

除夕同熊渭水寓寶坻作

風烟遊子跡去住總無憑
眼底山川舊人間甲子增
傾卮除歲月圍火強歡騰
相對天涯客熒熒守一燈

秋日懷胡元公

秋水伊人遠相思淚滿衣
秋空雲物澹露浥菊花肥
日月擲人太琴書伴客歸
迢迢應有夢千里共斜暉
七言律選三首

秋日舟中咏懷二首

物候淒其霜落天無端波浪滯歸船雁迷衡浦關山
渺風冷吳江烟水連客夢乍驚叢葦亂鄉心一片暮
雲懸誰家砧杵聲聲急不在城邊在枕邊
客路風烟萬里秋殷勤壯志爲誰酬紛紛黃葉下衝
烏曲曲青山遠斷流雲鎖愁顰沉玉漏月窺殘牖照
吳鉤只應歸向東籬下料理香醪共拍浮

寓三屯新秋夜聞雁感懷

萍踪何事繫天涯點點新霜鏡裏加自問蝸名羞畫
虎每慚兔穎畏塗鴉雁來衡浦初成字人卧漁陽擬
泛艇隣笛一聲鄉夢斷獨留殘月伴窓紗

七言絕句選八首

香奩雜咏

曲欄斜倚捲鰓鬚芳甸續紛點綠蕪愛殺海棠嬌着
雨小鬟喚道喚花奴

采綠無心向小園非關油卜掩重門聲聲靈鵲巡檐
噪自起添香翠被溫

小立窻前怯曉風輕舒翠袖拂香叢夜來金鴨憎春
暖試吸花梢帶粉紅

千紅萬紫喜春明鬪草庭邊剪掃晴挈伴盈盈下堦
拜不防花底有窺鶯

甄洛風神迥出塵
畫圖識得便相親
掬他一勺芙蓉水
也向菱花自寫真

拂石參差綠影移
簾紋如水印冰肌
起來嬌困全無力
小扇輕風亂髮絲

脉脉含情倚玉床
蘭缸燒燼却徬徨
不知月到紅梨未
報道花陰過短墻

艷製新歌教采蓮
膽瓶笑索供諸天
莫須嬌語憐人意
好藉清芬結淨緣

龍際盛

黃岡字維周

五言律選四首

舟行卽事

夾岸楚山盡扁舟
日漸東荻花低映雪
帆影遠含風蹤跡
隨萍泛鄉思信夢通
忘機鷗鳥近一酌
旅愁空曉發長潭

行轡響空林叢篁隱
霧深淺流時度馬
幽樹幾翻禽逕轉
懸巖逼藤盤古澗
陰正疑村遠近忽
聽有砧音雨中次
韻送祁公望歸東都

聚首三春晚分携
向洛中星輶人遠
別杯酒意何窮

野草隄邊合暮雲天際同嵩陽何處是悵望汴城東
葵門風雨書懷

寂寞重離腸空嗟春草芳荒藤藏宿鳥密雨灑迴廊
雲蔽青霄遠愁連白日長鄉關何處是回首幾沾裳

七言律選四首

湖中過友人書齋

舊栽花木已成陰隱几牆頭出遠岑地僻應憐求友
少情閒翻喜讀書深門迎秋水文心活竹護幽軒月
影沉久濶相逢神倍爽酣歌午夜酒頻斟

亭成

重門深掩靜囂喧聊築方亭向小園竹裏翻禽朝擁
卷花間呼月夜傾樽縱談風雅無塵事一笑天真有
弟舅最是南牕堪寄傲淡雲疎樹晚烟痕

都門次韻寄懷雷康侯

憶君湖上獨徘徊落落疎籬向水隈翠袖白雲囊裏
句綠牕紅雨眼前杯興來濯足窺魚躍吟罷憑欄見
鳥迴碌碌風塵歸念決月明沙渚約重陪

春日成趣園次韻

柴門荒砌草芊芊一徑幽深愛地偏隱几蘭風香入
夢蔽雲槐影綠參天瓶中花藥春同發竹裏軒牕月

共圓讀罷楚辭爐火熱遊絲裊裊逗輕烟
七言絕句選二首

遊陰那山

磴道深林獨往還荒岑春鳥語綿蠻禪關靜掩僧何處翠巘白雲盡日閒

題祭花館

陰森雙桂雨初晴花底池開一鑑平滿架琅函清夜月高山流水讀書聲

陰那山麓明少宰李二何先生

讀書處

魏荔彤

栢鄉相國子字碩九號
賡虞所著有澹菴詩

五言古詩選二首

擬古之二

映門樹高柳半畝閒綠雲兩餘風月涼蟬聲入晚聞
十年故交少垂羽感離群往事一回首空嗟世變紛
行行蓬葦中身隱焉用文
曝書晴簷下鋤藥雨畦中吟哦抒夙抱非言詞賦工
草堂廠虛牖長夏多好風伏枕唱新詩取笑同學翁
曹劉不復作此道久蒿蓬

五言律選二首

入秋雜興

野水侵花逕簷流漲竹池風光漸蕭索搖落感年時
車馬市朝遠山川晴雨奇煙霞幸無盡行樂及時宜
遊梁金吾不蕪園

百年傳樹隱下馬問名園苔色浸石壁香風靜竹塢
雜花霑露發徑草向春繁故姓今存幾休移喬木根
七言律選四首

中山途次

黃沙十里緩歸鞭水匝孤城草接天覓句全憑驢背
力看山不費杖頭錢雲攜疎雨征衫溼柳黯春原落

照懸絕少玉珂鳴紫陌豪華慚愧五陵賢

水仙 報國寺買得

日暖黃金凝瑞露風來白壁發天香名居水國神仙
宅跡落人間車馬場冷似嶺梅宜苦月澹如籬菊飽
清霜歲寒好伴孤齋夢結影燈前慰客狂

黃梁夢

黃梁瓦枕悞拘儒人事仙緣跡未殊局外今誰齊得
喪夢中古亦論榮枯辨通圓覺丹何在打破沉酣幻
也無試向呂翁問真諦君身能出睡鄉乎

午日南湖水亭分賦

浪花捲雪上漁磯高樹留雲掩落暉澤畔行吟傷寂
莫日邊擁騎羨輕肥卽官不慰馮唐老奇句難瘳杜
甫饑雅慕平原稱好客豪華千載愧烏衣

五言絕句選一首

鎮城舊宅見新月

斜月細如鉤樹底窺窻冷獨有歲寒人相看憐瘦影

七言絕句選一首

遊大陸澤

夜泊沙村風月清霜寒魚窟起龍腥中宵伏枕看牛
斗隱現星光樹裡明

